

PROMOSI BANCATAKAFUL DEPOSIT TETAP-i HONG LEONG 2026

(Kemas kini terakhir pada 20 Ogos 2026)

TEMPOH PROMOSI

Promosi BancaTakaful Deposit Tetap-i Hong Leong 2026 (“Promosi”) Hong Leong Islamic Bank Berhad’s [200501009144 (686191-W)] (“**HLB Islamic**” atau “**Bank**”) bermula pada **13 Ogos 2026** dan berakhir pada **31 Disember 2026**, termasuk kedua-dua tarikh (“**Tempoh Promosi**”), melainkan dimaklumkan sebaliknya.

TERMA DAN SYARAT

Berikut adalah terma dan syarat (“**T&S**”) yang berkenaan dengan Promosi ini.

KELAYAKAN

1. Promosi ini dibuka kepada semua pelanggan individu HLB Islamic dan Hong Leong Bank Berhad [193401000023 (97141-X)] (“**HLB**”) yang memenuhi syarat-syarat berikut:

- (a) Pelanggan yang telah berjaya memohon mana-mana Produk BancaTakaful Caruman Tetap Hong Leong seperti yang tertera di dalam Jadual 1 (“**BancaTakaful**”) yang ditaja jamin oleh Pengendali Takaful, Hong Leong MSIG Takaful (“**HLMT**”) semasa Tempoh Promosi (“**Permohonan**”).
- (b) Permohonan untuk BancaTakaful telah diluluskan oleh HLMT dan sijil produk mesti berkuat kuasa.
- (c) Pelanggan telah membayar caruman untuk sijil BancaTakaful secara tahunan dengan caruman tahun pertama dibayar semasa Tempoh Promosi (“**Caruman Tahunan**”). Caruman Tahunan minimum Promosi ini dinyatakan dalam Jadual 1 di bawah.

Pelanggan yang telah memenuhi **SEMUA** syarat-syarat di atas dirujuk sebagai “**Pelanggan Layak**”.

2. Pelanggan yang telah melakukan atau HLB Islamic mempunyai sebab yang munasabah untuk mempercayai Pelanggan telah melakukan sebarang tindakan penipuan, menyalahi undang-undang atau kesalahan yang berkaitan dengan BancaTakaful dan/atau sebarang kemudahan yang disediakan oleh HLB Islamic/HLB atau telah diisytiharkan muflis (menurut petisyen sama ada oleh HLB Islamic/HLB, institusi kewangan lain atau mana-mana pihak ketiga) atau tertakluk pada sebarang prosiding kemuflihan pada bila-bila masa sebelum atau semasa Tempoh Promosi adalah **TIDAK LAYAK** untuk menyertai Promosi ini.

KAEDAH PROMOSI

3. Tertakluk pada T&S di sini, mana-mana Pelanggan Layak yang membuat peletakan Deposit Tetap-i (“**FD-i**”) antara Ringgit Malaysia Sepuluh Ribu (RM10,000) sehingga amaun maksimum bersamaan dengan Caruman Tahunan Pelanggan Layak atau Ringgit Malaysia Dua Juta (RM2,000,000) dalam nisbah satu- ke-satu, yang mana lebih rendah (“**Amaun Peletakan**”), ke dalam Akaun Deposit Tetap-i HLB Islamic (“**Akaun FD-i**”) yang baharu atau sedia ada, berhak menikmati kadar keuntungan FD-i promosi untuk tempoh sama ada enam (6) atau dua belas (12) bulan (“**Kadar Promosi FD-i**”) seperti yang dinyatakan dalam Jadual 1.
4. Pelanggan Layak yang menyertai produk BancaTakaful seperti yang dinyatakan dalam Jadual 1 di bawah mesti membuat caruman tahunan minimum berjumlah Ringgit Malaysia Sepuluh Ribu (RM10,000) pada tahun pertama untuk menikmati Kadar Promosi FD-i, tertakluk pada T&S di sini.

Jadual 1:

Produk Caruman Tetap BancaTakaful	Caruman Tahunan Minumum	Amaun Peletakan FD-i : Nisbah	Kadar Promosi FD-i dan Tempoh
• HLM Takaful Amanah Saver # • HLM Takaful Secure 3 # • HLM Takaful Secure 3 Plus # • HLM Takaful Legacy ## • Takaful First Horizons ## • Takaful Horizons ##	RM10,000	Nisbah 1 : 1 berdasarkan caruman tahunan. (Minimum FD-i: RM10,000) Maksimum FD-i: Yang mana lebih rendah antara RM2,000,000 atau amaun maksimum bersamaan dengan Caruman Tahunan.	6 bulan pada kadar 6.08% setahun.* 12 bulan pada kadar 4.50 % setahun.*

**Kadar Promosi FD-i akan diberhentikan serta-merta sekiranya terdapat sebarang perubahan Kadar Dasar Semalam (OPR).*

PERLINDUNGAN OLEH PIDM KE ATAS MANFAAT YANG DIBAYAR DARIPADA BAHAGIAN UNIT PRODUK INI ADALAH TERTAKLUK KEPADA BATASAN. Sila rujuk Brosur TIPS PIDM atau hubungi Hong Leong MSIG Takaful Berhad atau PIDM (layari www.pidm.gov.my).

Manfaat yang perlu dibayar di bawah produk yang layak dilindungi oleh PIDM tertakluk kepada had-had perlindungan. Sila rujuk Brosur TIPS PIDM atau hubungi Hong Leong MSIG Takaful Berhad atau PIDM (layari www.pidm.gov.my).

5. Bagi tujuan menentukan amaun kelayakan peletakan FD-i di bawah Promosi ini, hanya 10% daripada jumlah Tambah Nilai Caruman Tetap (RTU) akan diiktiraf dan termasuk dalam pengiraan Caruman Tahunan.
6. Kadar Promosi FD-i adalah berdasarkan siapa cepat dia dapat dan terhad kepada jumlah saiz dana FD-

i sebanyak Ringgit Malaysia Tujuh Puluh Juta (RM70,000,000) (**Had Saiz Dana**) sahaja, berdasarkan peruntukan di dalam Jadual 2 di bawah. Sebaik sahaja Had Saiz Dana dicapai, Kadar Promosi FD-i tidak lagi tersedia dan kadar FD-i semasa akan dikenakan untuk mana-mana peletakan selanjutnya.

Jadual 2

Kadar Promosi FD-i (setahun)	Tempoh	Saiz Dana FD-i (RM)
6.08%	6 bulan	7,500,000
4.50%	12 bulan	62,500,000

7. Pelanggan Layak hanya boleh membuat peletakan FD-i selepas tamat tempoh bertenang lima belas (15) hari, iaitu sebaik sahaja sijil BancaTakaful berkuat kuasa. HLB Islamic akan mengeluarkan surat notifikasi (**“Surat Notifikasi”**) kepada ejen jualan BancaTakaful (**“Ejen Jualan”**) melalui e-mel. Ejen Jualan akan memaklumkan Pelanggan Layak mengenai peletakan FD-i. Pelanggan Layak dikehendaki mengemukakan Surat Notifikasi tersebut kepada mana-mana cawangan HLB Islamic/HLB sebagai bukti kelayakan untuk menikmati Kadar Promosi FD-i dan menyertai Promosi ini. Sekiranya Pelanggan Layak tidak menerima Surat Notifikasi daripada Ejen Jualan dalam tempoh 30 hari kalendar dari tarikh pengeluarannya, HLB Islamic tidak akan bertanggungjawab sekiranya Pelanggan Layak tidak menerima Surat Notifikasi tersebut.

8. Untuk mengelakkan keraguan, cawangan HLB Islamic/HLB akan berpandukan terma dan syarat yang dinyatakan dalam Surat Notifikasi untuk memastikan kelayakan Pelanggan Layak untuk membuat peletakan FD-i dengan Kadar Promosi FD-i. Pelanggan Layak hendaklah membuat peletakan FD-i dalam tempoh yang ditetapkan dalam Surat Notifikasi untuk menikmati Kadar Promosi FD-i.

9. Pelanggan Baharu dikehendaki membuka Akaun FD-i baharu dengan HLB Islamic semasa Tempoh Promosi untuk menyertai Promosi ini.

10. Sekiranya produk BancaTakaful dibatalkan oleh mana-mana pihak pada bila-bila masa dalam tempoh peletakan FD-i dengan notis terdahulu kepada Pelanggan Layak, Pelanggan Layak tidak layak untuk menikmati Kadar Promosi FD-i. Dalam keadaan sedemikian, Pelanggan Layak akan dimaklumkan oleh Ejen Jualan untuk mengeluarkan peletakan FD-i.

11. Pelanggan Layak dikehendaki menyatakan Akaun Semasa-i/Simpanan-i HLB Islamic di atas nama Pelanggan Layak (**“CASA-i Ditetapkan”**) untuk tujuan mengkreditkan keuntungan yang diperolehi apabila tempoh FD-i matang. Keuntungan tersebut tidak akan ditambah kepada amaun prinsipal FD-i.

12. Sekiranya FD-i dikeluarkan sebelum tempoh matang FD-i, sama ada keseluruhan atau sebahagian, tiada keuntungan akan dibayar ke atas sebahagian amaun yang dikeluarkan dan pengeluaran pramatang FD-i, tanpa mengira jumlah bulan yang telah lengkap semasa membuat pengeluaran. Untuk mengelakkan keraguan, keuntungan akan dikira berdasarkan baki amaun prinsipal selepas pengeluaran tersebut.

13. Tertakluk pada Klausula 12 di sini, pengeluaran sebahagian FD-i dibenarkan dalam gandaan **Ringgit Malaysia Satu Ribu (RM1,000)**. Walau bagaimanapun, sekiranya amaun FD-i kurang daripada **Ringgit Malaysia Tiga Ribu (RM3,000)**, tiada pengeluaran sebahagian dibenarkan untuk akaun tersebut dan sebarang pengeluaran sedemikian akan dianggap sebagai pengeluaran pramatang bagi keseluruhan amaun peletakan FD-i.

14. Apabila matang, amaun prinsipal FD-i akan diperbaharui secara automatik pada kadar semasa FD-i dan keuntungan yang diperolehi akan dikreditkan ke dalam CASA-i Ditetapkan Pelanggan Layak.

15. Pihak Bank berhak untuk menolak dan mendebit amaun yang sama dengan keuntungan yang telah dibayar pada Pelanggan Layak berkenaan dengan Amaun Peletakan yang dikeluarkan pramatang dari Akaun FD-i.

16. Sekiranya Pelanggan Layak didapati tidak memenuhi mana-mana T&S Promosi ini, HLB Islamic berhak untuk menarik balik dan menolak keuntungan tambahan yang diperoleh daripada Kadar Promosi FD-i yang dikreditkan sebelum ini daripada CASA-i Ditetapkan Pelanggan Layak. Dalam keadaan sedemikian, HLB Islamic akan memaklumkan Pelanggan Layak dengan mengeluarkan notis bertulis dua puluh satu (21) hari sebelum menarik balik dan menolak perbezaan keuntungan Promosi FD-i dari CASA-i Ditetapkan Pelanggan Layak.

UMUM

17. Dengan menyertai Promosi ini, Pelanggan Layak bersetuju:

- (a) telah membaca, memahami dan menerima untuk terikat dengan T&S ini, Terma dan Syarat Am Akaun, dan Terma dan Syarat Am Akaun (secara kolektif disebut sebagai "**Terma dan Syarat Berkenaan**") dan mana-mana terma dan syarat lain yang berkaitan yang mungkin dikenakan oleh HLB Islamic dari semasa ke semasa dengan memberi notis awal kepada Pelanggan Layak dan dengan menyiarkan di laman web HLB Islamic www.hlbislamic.com.my ("**Laman Web HLB Islamic**");
- (b) bahawa semua rekod pemenuhan keperluan yang direkodkan oleh sistem Bank semasa Tempoh Promosi dan pemilihan untuk Pelanggan Layak adalah muktamad dan konklusif;
- (c) bahawa keputusan pihak Bank atas semua hal berkaitan dengan Promosi ini adalah muktamad, konklusif dan terikat ke atas semua Pelanggan Layak;
- (d) bahawa keuntungan yang diperoleh tidak boleh dipindah milik kepada mana-mana pihak ketiga (ke-3) dan tidak boleh ditukar untuk kredit pendahuluan, cek atau manfaat seumpamanya;
- (e) bahawa Pelanggan Layak bertanggungjawab untuk memberikan butiran hubungan yang sah dan terkini termasuk nombor telefon kepada HLB Islamic/HLB dan segera memberitahu HLB Islamic/ HLB sekiranya berlaku sebarang perubahan. HLB Islamic/HLB tidak akan bertanggungjawab sekiranya tidak dapat menghubungi Pelanggan Layak kerana nombor telefon yang diberi oleh Pelanggan Layak tidak tepat/tidak sah; dan
- (f) untuk mengakses Laman Web HLB Islamic pada selang waktu yang tetap untuk melihat T&S Promosi dan untuk memastikan mereka sentiasa mengikuti sebarang perubahan atau variasi kepada T&S.

18. Pihak Bank berhak untuk:

- (a) menambah, menggugurkan, menggantung atau meminda keseluruhan atau sebahagian T&S terkandung di dalam ini dan/atau butiran produk, mengikut budi bicara HLB Islamic dengan cara menyiarkan dalam Laman Web HLB Islamic, atau dengan apa-apa cara yang dianggap sesuai oleh HLB Islamic/HLB dengan memberi notis awal kepada Pelanggan Layak mengenai penambahan, pengguguran atau pindaan tersebut;
- (b) membatalkan kelayakan mana-mana Pelanggan Layak untuk menyertai Promosi ini mengikut budi bicara HLB Islamic;
- (c) membatalkan dan/atau menarik balik keuntungan yang diperoleh sekiranya Pelanggan Layak tidak mematuhi T&S promosi ini dan/atau Terma dan Syarat Berkenaan; dan
- (d) menarik balik keuntungan yang diperoleh sekiranya terdapat sebarang penipuan yang dikesan dan pelanggaran terhadap Terma dan Syarat Berkenaan.

19. T&S ini dan Terma dan Syarat Berkenaan hendaklah dibaca bersama sebagai satu perjanjian keseluruhan. Sekiranya terdapat sebarang percanggahan, maka T&S ini akan diguna pakai setakat percanggahan tersebut.

20. Sekiranya terdapat percanggahan antara T&S ini dengan mana-mana bahan pengiklanan, promosi, publisiti dan bahan-bahan lain berkaitan atau berhubung dengan Promosi ini, maka T&S di Laman Web HLB Islamic akan diguna pakai.
21. T&S ini tertakluk pada dan ditafsirkan selaras dengan undang-undang Malaysia dan Pelanggan Layak bersetuju untuk akur kepada bidang kuasa mahkamah-mahkamah Malaysia secara eksklusif.
22. Perkataan yang menandakan satu jantina termasuk semua jantina lain dan perkataan yang menandakan tunggal termasuk jamak dan begitu juga sebaliknya.

PENAFIAN TAKAFUL

Dokumen ini tidak bermaksud sebagai jemputan atau tawaran untuk melanggan Takaful mahupun permintaan oleh HLB Islamic untuk caruman Takaful kepada sesiapa sahaja. Pelanggan adalah dinasihatkan untuk membaca dan memahami isi kandungan brosur/sijil Takaful produk sebelum bersetuju untuk melanggan.

NOTA PENTING:

1. **INI ADALAH PRODUK TAKAFUL YANG DIPAUTKAN KEPADA PRESTASI ASET PENDASAR, DAN BUKAN PRODUK PELABURAN SEMATA-MATA SEPERTI AMANAH SAHAM. ANDA MESTI MENILAI PILIHAN ANDA DENGAN TELITI DAN MEMASTIKAN BAHAWA PELAN BERKAIT PELABURAN YANG DIPILIH MEMENUHI SELERA RISIKO ANDA, SERTA MEMASTIKAN ANDA MAMPU MEMBAYAR CARUMAN SEPANJANG TEMPOH SIJIL. UNTUK MENINGKATKAN NILAI PELABURAN PADA BILA-BILA MASA, ADALAH DINASIHATKAN SUPAYA ANDA MEMBUAT CARUMAN TAMBAHAN SEBAGAI 'TAMBAHAN NILAI' (TOP-UP). PULANGAN DANA BERKAIT PELABURAN ADALAH TIDAK DIJAMIN.**
2. Pelan di atas ditaja jamin oleh Hong Leong MSIG Takaful Berhad (HLMT). HLMT ialah sebuah Pengendali Takaful yang berlesen di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.
3. FD-i dan CASA-i adalah akaun deposit berdasarkan kontrak Syariah Tawarruq. Dilindungi oleh PIDM setakat RM250,000 bagi setiap pendeposit.

Jika anda mempunyai sebarang pertanyaan berkenaan dengan T&S, sila hubungi kami melalui e-mel di hlonline@HLB.hongleong.com.my atau telefon di talian 03-7626 8899.